



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 14. Hincmarus Laudunensis damnatur.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

fuisse missum in carcerem, quod promittere nolisset, venturum se ad proximum Concilium, & rumor serperet, eum relicta sua Ecclesia in potestatem Regis Lotharii transiturum. His auditis, visum est Concilio, Hincmarum Remensem istud a Laudunensi sibi objectum omnino diluisse, Hincmarum vero Laudunensem, calumniæ convictum, Metropolitanæ sui iudicium non posse subterfugere.

§. XIV.

Hincmarus Laudunensis damnatur.

Itaque Hincmarus Remensis, iubente Concilio, Laudunensi mandavit, ut accusationem a Rege traditam, quam habebat, manibus acciperet, & de articulo ad articulum responderet, atque illo detrectante iussit Archiepiscopus aliud Exemplar legi. Recitato primo articulo, quæsiuit Archiepiscopus, an Regi præstitisset iuramentum, quod ibi legebatur. Laudunensis dixit, sancta Evangelia, cum juraret, non adfuisse, & addidit; eam fidem se servasse, quam jurasset, & plura alia frivola, sexcenties Romam appellans. Tum per complures testes convincitur, quod illud iuramentum edidisset, & præterea plenissime demonstratum, vera esse, quæcunque Rex & Archiepiscopus contra ipsum attulerant. Ei igitur in Concilio insolentius clami-

Sæculum IX.
A.C. 871.

c. 7.

c. 8.

Hist. Eccles. Tom. XII. K k tanti

Sæculum IX. tanti Archiepiscopus secundo & tertio
A. C. 871. præcepit, ut ad objecta responderet, ac
 que ipso contumaciter recusante Archi-
 episcopus jubente Concilio cujuslibet
 sententiam exquisivit.

6. 9.

Harduicus Archiepiscopus Vefuntinus opinionem suam edixit in hunc modum: *Frater noster Hincmarus Episcopus Laudunensis verbis suis & scriptis atque testibus fide dignis convictus, quod seditionem moverit, secundum Canones Depositione dignus judicatur, salvo per omnia Sacræ Sedis judicio.* Frotarius Burdegalensis perjurii, & violatæ fidei, quam Regi juraverat, mentionem fecit. Wulfadus calumnias in Regem Romanusque delatas memoravit, cunctique Episcopi, postquam singuli aliquod speciatim crimen in eo vituperassent, deponendum esse arbitrati sunt. Hincmarus Remensis, hujus Concilii Præses, suam ultimam opinionem protulit, & sententiam in Tabella conscriptam pronunciauit, cui Episcopi viginti & unus præsentis, octo absentium Episcoporum Legati, & octo alii Clerici subscripserunt.

p. 1654.

Scriptit Concilium Hadriano Papæ Epistolam Synodicam, misitque Acta, petens, ut ea confirmaret, aut saltem, si hanc causam retractari vellet, id in Francia fieret, & interim Hincmarus Laudunensis excommunicationi subjaceret.

Præ-

Præterea dicunt Episcopi, nolle se Hinc-
 mari Laudunensis negotiis amplius tur-
 bari, si Papa eorum Judicium nullum
 declaraverit. Tandem commendant
 Papæ Actardum Nannetensem, electum
 Episcopum Turonensem, cui acta hujus
 Concilii deferenda commiserunt. Hæc
 Epistola sexta Septembris anno octingen-
 tesimo septuagesimo primo data.

§. XV.

Actardi Nannetensis Translatio.

Suo quoque nomine Hincmarus Remen-
 sis ad Papam dedit Epistolam, in qua
 statim causam Actardi tractans ad Papam
 dicit: *Curam ejus, ut jusseras, in me su-
 scipi, atque a Normannis & Britonibus
 e Sede sua ejecto, Rege & Suffraganeis
 meis consentientibus, concessi, ut Mona-
 sterio Episcopali in quadam Ecclesia pro-
 vinciæ meæ vacante fungeretur (erat hæc
 Ecclesia Teruanensis) sed Episcopus Ti-
 tularis esse non poterat, quia quæ de Bo-
 nis Ecclesiæ Nannetensis supersunt, a no-
 stra provincia multum distant, & Cano-
 nes duarum provinciarum Episcopum esse
 non permittunt. Nunc vero cum postu-
 letur a Clero populoque Ecclesiæ Metro-
 politicæ Turonensis, in qua baptizatus,
 Tonsuram accepit, & per omnes gradus
 usque ad Episcopatum promotus est, mit-
 timus eum tibi, Archiepiscopum Titula-*

Kk 2

rem

Sæculum IX.
A. C. 871.

p. 1658.